



Sea consiente ora bo ta core cualkier brommer

Remedi di tera a haci un diferencia den salud di Federico



ORANJESTAD (AAN): Federico Zivenger mihor conoci como 'Fichi' a haya un accidente algun luna atras. Federico tabata core riba su Harley y a haya su mes cu un accidente na momento cu e la subi e isla chikito cu tin net dilanti di Sun Plaza. E harley a keda bolter te na momento cu su helm a kita for di su cabes y na unda cu Federico a haya basta sla den su cabes.

Na Hospital su situacion tabata basta critico y na unda cu hasta a dune oranan di bida. Despues cu el a sali di coma na hospital nan a bisa cu no por haci nada mas pe y ta miho e bay cas pa asina e tin un ambiente di famia tog rond di dje. Sinembargo despues cu e la bay cas cu e amor di mayornan y famia y tambe a busca diferente solucion pa su mehoracion di salud Federico a cuminsa mehora.

Ta tristo pa bisa cu famianan mes ta esunnan cu mester a busca logopedest cu famia mes mester a paga y physiotherapist cu AZV ta cubri solamente un bes pa siman e resto di dianan tur e gasto ta pa famia.

Segun docter Mellis, Federico tabata un homber 100% pero despues di e accidente por considera cu e ta 10% y si e bay Hulanda su salud por bira 30%.

Carlos Chang a acerca e

famia y a duna su aporte na mehoracion di Federico. Segun Shakira, ruman di Federico despues cu Federico a cuminsa bebe e remedinan natural su mehoracion tabata bayendo hopi mas miho y hopi mas lihe.

Antes Federico no por a wanta su cabes street pero awor si. Tampoco e no tabata por a hisa su man y pia na banda links y alaves na su cabes door di e impacto di sla cu su cabes a keda cu un deuk, sinembargo tur esakinan a cambia y mehora.

Carlos Chang a traha diferente remedinan natural pa e por bebe y tambe pone na su cabes. Federico for di dia e la sali di hospital tabata nervioso y cu e no ta drumi bon anochi asina tambe Chang a traha un remedi cu a trankilisa Federico cu actualmente den oranan di anochi ta drumi hopi trankil siendo cu hospital tabata duna Federico remedinan cu no tabata duna Federico su trankilidad manera mester ta.

Federico a haya diferente remedi di tera pa yuda pa su mehoracion un di nan cu tambe tabata hopi importante ta e remedi di tera cu a yuda pa kita e dolornan cu e ta sinti riba ful su curpa. E remedi di teranan a yuda hopi.

Actualmente Federico ta sinta su so sin cay y tambe e por wanta su cabes manera mester ta. Famianan a dicidi

cu nan lo bay biba cu Federico na Hulanda pa asina nan haci mas test cu ne. Segun ruman di Federico cu aki na Aruba nan no ta haciendo ningun test mas cu ne pa asina wak con e ta sigui y esaki ta preocupa e famia debi cu nan no sa con e desaroyo di Federico ta sigui.

E motibo pa kico nan ta haci esaki ta debi cu e docternan ta kere cu no por haci nada mas pe y alaves e gastonan di AZV ta keda abao. Famianan ta desea pa haci un scan di cabes y un control di pia te cabes un biaha mas awor cu su situacion a cambia y bira mas miho. Sinembargo esaki no tabata por na Aruba pero cu lo bay Hulanda pa haci diferente testnan cu Federico tin mester pa mehoracion di su salud y wak si e por drenta un revalatiecentrum na Hulanda pa su salud.

Federico ta kere cu ta hopi importante pa hobennan y tur

persona cu ta core un brommer di cua marca cu por ta pa tene bon cuenta riba trafico y proteha bo curpa di un bon manera cu si cualkier situacion cu por presenta bo por proteha bo curpa. Brommer no ta wega paso den un accidente bo bida por cambia completo y no ta abo so ta sufri di dje pero henter bo famia. Pesey semper ta cauteloso y stima bo bida mas cu tur cos.

